



Broj: 10-01-11-425-3/22

Mostar, 22. decembra 2022.

Na osnovu člana 5. Zakona o kantonalnim ministarstvima i drugim organima kantonalne uprave („Službene novine Hercegovačko-neretvanskog kantona”, broj: 4/98, 1/02 i 4/07) i Odluke Vlade HNK o usvajanju Programa utroška sredstava sa kriterijima raspodjele sredstava „Transfer za jačanje turističkih kapaciteta“ utvrđenih Izmjenama i dopunama Budžeta HNK za 2022. godinu Ministarstvu trgovine, turizma i zaštite okoliša, broj: 01-1-02-3510/22 od 21. decembra 2022. godine, Ministarstvo trgovine, turizma i zaštite okoliša objavljuje

JAVNI POZIV

za podnošenje prijava za dodjelu finansijske podrške iz sredstva
„Transfer za jačanje turističkih kapaciteta“ utvrđenih Izmjenama i dopunama Budžeta
HNK za 2022. godinu

I

(Predmet javnog poziva)

Predmet Javnog poziva je prikupljanje prijava za raspodjelu sredstava „Transfer za jačanje turističkih kapaciteta“ utvrđenih Izmjenama i dopunama Budžeta HNK za 2022. godinu Ministarstvu trgovine, turizma i zaštite okoliša, organizaciona jedinica 35010001, ekonomski kodovi 614100/614400/614500 „Transfer za jačanje turističkih kapaciteta“ („Službene novine HNK”, broj 7/22) odnosno dodjela bespovratnih sredstava kroz podršku ulaganjima u povećanje standarda, kvalitete i dodatne ponude te razvoj posebnih oblika turizma.

II

(Cilj i namjena sredstava)

Uz glavni cilj podizanja konkurentnosti i održivosti turističke privrede te unaprjeđenja receptivne turističko-ugostiteljske ponude Hercegovačko-neretvanskog kantona, sredstva iz tačke I Javnog poziva trebaju doprinijeti i ostvarenju sljedećih specifičnih ciljeva turističkog razvoja: povećanju standarda, kvalitete i dodatne ponude ugostiteljskih objekata za smještaj; razvoju turizma na turistički nerazvijenim područjima; razvoju turističke ponude kao dopunske aktivnosti na porodičnim poljoprivrednim gazdinstvima; razvoju dodatnih sadržaja u destinacijama i produženju sezone; razvoju novih inovativnih turističkih proizvoda i usluga te razvoju turističke infrastrukture i objekata od posebnog značaja za funkcionisanje i razvoj turizma u HNK.

III

(Raspored sredstava, pravo učestvovanja i dokumentacija za učestvovanje)

Sredstva iz tačke I ove odluke raspodjeljuju se po sljedećim grupama programskih aktivnosti:

PROGRAMSKA AKTIVNOST 1 DIVERSIFIKACIJA POSLOVANJA I ODRŽIVI TURISTIČKI RAZVOJ, u ukupnom iznosu od 1.000.000,00 KM

MJERA 1 POBOLJŠANJE USLOVA POSTOJEĆE KATEGORIZACIJE SMJEŠTAJNIH OBJEKATA u ukupnom iznosu od 600.000,00 KM pri čemu iznos pojedinačne podrške odnosno podrške po jednom korisniku ne može prelaziti iznos od 40.000,00 KM

Prihvatljivi korisnici: postojeći objekti koji imaju rješenje o vrsti i kategoriji ugostiteljskog objekta u skladu sa Zakonom o ugostiteljstvu HNK (šifre djelatnosti 55.10, 55.20, 55.30 i 55.90)

Neprihvatljivi korisnici: korisnici koji su u stečaju ili nad kojima je pokrenut postupak stečaja ili likvidacije; korisnici koji nisu opravdali namjensko trošenje budžetskih sredstava iz JP za 2019., 2020. i 2021. godinu; korisnici koji imaju dospjele a neizmirene obaveze po osnovu doprinosa, direktnih i indirektnih poreza zaključno sa 30.6.2022. a za koje nisu zaključeni sporazumi o obročnom plaćanju duga i/ili koji uredno ne izmiruju dospjele obaveze po zaključenom sporazumu; korisnici čiji su glavni računi na dan podnošenja zahtjeva blokirani.

Prihvatljivi projekti: proširenje i adaptacija radi podizanja kvalitete osnovnih sadržaja smještajnih objekata (smještajnih jedinica, zajedničkih sadržaja unutar objekta - recepcija, blagovaonice, sanitarni čvorovi u blizini zajedničkih sadržaja, itd.); uvođenje dodatnih sadržaja u smještajnim objektima (bazen, sauna, fitnes, teretana, wellness centar, suvenirnica), podizanje kvalitete sanitarnih, higijenskih i drugih uslova u postojećim kampovima (zajednička kuhinja, sanitarni čvorovi, zbrinjavanje otpadnih voda, zbrinjavanje čvrstog otpada i sl.), izgradnja i uređenje glamping kampova, sl.

Uslovi za ostvarivanje prava na finansijsku podršku: pravo na podršku imaju podnosioci prijava koji imaju sjedište/prebivalište na području HNK pod uslovom:

- da su registrovani na području Hercegovačko-neretvanskog kantona
- da imaju glavnu šifru djelatnosti kako je navedeno u alineji Prihvatljivi korisnici
- da imaju osigurana vlastita sredstva za pokrivanje najmanje 40% troškova predloženog projekta
- da uredno izmiruju obaveze po osnovi plaćanja boravišne takse i/ili turističke članarine

Kriteriji vrednovanja:

- stepen turističke razvijenosti područja implementacije projekta, pri čemu veći broj bodova dobivaju turistički manje razvijena područja max 35 bodova
- broj novootvorenih radnih mjesta max 25 bodova
- kvaliteta i inovativnost projekta max 25 bodova
- procenat vlastitog finansiranja projekta max 15 bodova

Obavezna dokumentacija za učestvovanje na Javnom pozivu:

1. Popunjen i ovjeren Obrazac prijave (Obrazac 1)
2. Popunjen i ovjeren obrazac Izjave (Obrazac 2)
3. Potpisana i ovjerena izjava o primljenim de minimis pomoćima i drugim državnim pomoćima (Obrazac 3)
4. Rješenje o registraciji ili aktualni izvod iz sudskog registra za pravna lica, za fizička lica rješenje nadležnog organa
5. Uvjerenje o poreznoj registraciji (ID - identifikacijski broj i PDV broj ukoliko je podnosilac prijave PDV obaveznik)
6. Uvjerenje Federalnog zavoda za statistiku o razvrstavanju prema glavnoj šifri djelatnosti po KD BiH 2010
7. Uvjerenje/potvrda nadležne organizacijske jedinice Porezne uprave Federacije BiH da podnosilac prijave nema neizmirenih obaveza po osnovu javnih prihoda zaključno sa 30.6.2022. ili ukoliko ih ima da je sklopljen sporazum o obročnom plaćanju duga i da se uredno izmiruju dospjele obaveze
8. Uvjerenje/potvrda nadležne organizacijske jedinice UIO BiH da podnosilac prijave nema neizmirenih obaveza po osnovu indirektnih poreza zaključno sa 30.6.2022. ili ukoliko ih ima da je sklopljen sporazum o obročnom plaćanju duga i da se uredno izmiruju dospjele obaveze.
9. Potvrda/uvjerenje banke o vlasniku i broju transakcijskog računa podnosioca prijave, u kojoj će biti izričito navedeno da isti nije blokirani
10. Dokaz o visini vlastitog učestvovanja u finansiranju (izjava podnosioca prijave ovjerena kod nadležnog organa uprave ili notara)
11. Dokaz o urednom izmirivanju obaveza po osnovi plaćanja boravišne takse i/ili turističke članarine (nalog za plaćanje ili potvrda Turističke zajednice HNK)

Dokumentacija koja se prilaže uz prijavu može biti original ili ovjerena kopija **ne starija od tri (3) mjeseca računajući od dana objave ovog javnog poziva.**

VAŽNO!!! Podnosioci zahtjeva koji su posjedovali privremena rješenja izdana na osnovu Zakona o ugostiteljskoj djelatnosti HNK („Službene novine HNK“, broj 12/17), a u međuvremenu nisu ishodili upotrebnu dozvolu ni privremeno rješenje, uz naprijed navedenu dokumentaciju (1 do 11) potrebno je da prilože dokaz o podnesenom zahtjevu za izdavanje privremenog rješenja u skladu sa Odlukom o privremenim rješenjima izdatim na osnovu Zakona o ugostiteljskoj djelatnosti, broj 01-1-02-1334/22 od 19. maja 2022. (dostupna na <https://mtto-hnz-k.ba>)

MJERA 2 RAZVOJ TURISTIČKE PONUDE NA PORODIČNIM POLJOPRIVREDNIM GAZDINSTVIMA u ukupnom iznosu od 200.000,00 KM pri čemu iznos pojedinačne podrške odnosno podrške po jednom korisniku ne može prelaziti iznos od 30.000,00 KM

Prihvatljivi korisnici: porodična poljoprivredna gazdinstva (PPG) upisana u Registar poljoprivrednih gazdinstava (RPG) do 31.12.2021. koja su ishodila Rješenje o odobrenju za pružanje ugostiteljskih i/ili turističkih usluga na PPG, izdato od strane nadležnog organa **kao i** PPG-ovi upisani u RPG do 31.12.2021. koji se planiraju registrovati za pružanje ugostiteljskih usluga pri čemu će isti biti u obavezi da u utvrđenom roku od nadležnog organa ishode Rješenje o odobrenju za pružanje ugostiteljskih i/ili turističkih usluga na PPG

Neprihvatljivi korisnici: porodična poljoprivredna gazdinstva (PPG) upisana u Registar poljoprivrednih gazdinstava (RPG) tokom 2022. godine; PPG-ovi upisani u Registar poljoprivrednih gazdinstava (RPG) prije 1.1.2022. koji nisu ažurirali podatke u skladu sa Pravilnikom o upisu u registar poljoprivrednih gazdinstava i registar klijenata („Službene novine F BiH“, broj 42/08, 24/20 i 31/22)

Prihvatljivi projekti: obnova tradicionalnih kuća sa pripadajućim objektima gazdinstva koja neće narušiti vrijednosti i nasljeđe tradicionalne arhitekture; opremanje smještajnih jedinica na PPG-u; nabavka dvorišnog mobilijara (stvaranje uslova za dodatne sadržaje i atrakcije u turizmu na PPG kroz izgradnju, obnovu i uređenje objekata gazdinstva i sportsko-rekreativnih i sadržaja tipa kušaonice, podrumi, ribnjaci, pješačke, biciklističke staze i dr.), obnova, izgradnja i opremanje objekata i radionica tradicionalnih obrta i sl.

Uslovi za ostvarivanje prava na finansijsku podršku: pravo na podršku imaju podnosioci zahtjeva koji imaju prebivalište/sjedište na području HNK pod uslovom:

- da su upisani u Registar poljoprivrednih gazdinstava (RPG) do 31.12.2021. te da imaju ažurirane podatke u skladu sa Pravilnikom o upisu u registar poljoprivrednih gazdinstava i registar klijenata („Službene novine F BiH“, broj 42/08, 24/20 i 31/22)
- da imaju osigurana vlastita sredstva za pokrivanje najmanje 25% troškova predloženog projekta

Kriteriji vrednovanja:

- doprinos očuvanju tradicionalne arhitekture i tradicionalnih obrta max 40 bodova
- kvaliteta i inovativnost projekta max 40 bodova
- procenat vlastitog finansiranja projekta max 20 bodova

Obavezna dokumentacija za učestvovanje na Javnom pozivu:

1. Popunjen i ovjeren Obrazac prijave (Obrazac 1)
2. Popunjen i ovjeren obrazac Izjave (Obrazac 2)
3. Potpisana i ovjerena izjava o primljenim de minimis pomoćima i drugim državnim pomoćima (Obrazac 3)
4. Kopija lične karte i potvrda CIPS-a o prebivalištu ako je nosilac PPG-a fizičko lice odnosno Rješenje o registraciji obrta ukoliko je nosilac PPG-a fizičko lice obrtnik
5. Dokaz da će podnosilac prijave, ukoliko dobije sredstva iz tačke I Javnog poziva, a ne posjeduje Rješenje o odobrenju pružanja ugostiteljskih i/ili turističkih usluga na PPG, isto ishoditi u roku od 90 dana od dana potpisivanja ugovora ((izjava podnosioca prijave ovjerena kod nadležnog organa uprave ili notara)
6. Obavijest Federalnog zavoda za statistiku o razvrstavanju fizičkog lica prema klasifikaciji djelatnosti (dostavljaju samo PPG-ovi koji se u RPG-u vode kao Obrtnik- S.O.)

7. Uvjerenje o poreznoj registraciji (dostavljaju samo PPG-ovi koji se u RPG-u vode kao Obrtnik- S.O.)
8. Uvjerenje/potvrda nadležne organizacijske jedinice Porezne uprave Federacije BiH da podnositelj prijave nema neizmirenih obaveza po osnovu javnih prihoda zaključno sa 30.6.2022. ili ukoliko ih ima da je sklopljen sporazum o obročnom plaćanju duga i da se uredno izmiruju dospelje obaveze (dostavljaju samo PPG-ovi koji se u RPG-u vode kao Obrtnik- S.O.)
9. Potvrda/uvjerenje banke o vlasniku i broju transakcijskog računa fizičkog lica (ili obrtnika), u kojoj će biti izričito navedeno da isti nije blokiran
10. Potvrda nadležnog organa o upisu u Registar poljoprivrednih gazdinstava (RPG) i Registar klijenata (RK), u skladu sa Pravilnikom o upisu u Registar poljoprivrednih gazdinstava i Registar klijenata („Službene novine F BiH“, broj: 42/08, 24/20 31/22)
11. Potvrda nadležnog organa da je izvršeno ažuriranje podataka od 1.1.2022. do 3.4.2022. godine te da je iz Liste korištenja vidljivo da se bavi poljoprivrednom proizvodnjom
12. Dokaz o visini vlastitog učestvovanja u finansiranju (izjava podnosioca prijave ovjerena kod nadležnog organa uprave ili notara)

Dokumentacija koja se prilaže uz prijavu može biti original ili ovjerena kopija **ne starija od tri (3) mjeseca računajući od dana objave ovog javnog poziva.**

MJERA 3 PODRŠKA RADU INCOMING PUTNIČKIH AGENCIJA u ukupnom iznosu od 200.000,00 KM pri čemu iznos pojedinačne podrške odnosno podrške po jednom korisniku ne može prelaziti iznos od 30.000,00 KM

Prihvatljivi korisnici: putničke agencije koje rade na dovođenju turista (incoming agencije) i vrše promociju raspoloživih resursa i turističkih destinacija na području HNK (šifra djelatnosti 79.11)

Neprihvatljivi korisnici: korisnici koji su u stečaju ili nad kojima je pokrenut postupak stečaja ili likvidacije; korisnici koji imaju dospelje a neizmirene obaveze po osnovu doprinosa, direktnih i indirektnih poreza zaključno sa 30.6.2022. a za koje nisu zaključeni sporazumi o obročnom plaćanju duga i/ili koji uredno ne izmiruju dospelje obaveze po zaključenom sporazumu; korisnici čiji su glavni računi na dan podnošenja zahtjeva blokirani

Prihvatljivi projekti: kreiranje i promocija paket aranžmana posebnih oblika turizma koji se realizuju na području HNK po grupama proizvoda: kultura i city break (kulturne i historijske ture, turizam baštine, kreativni turizam i drugi slični proizvodi); cikloturizam i aktivni odmor (biciklističke, pješačke i adrenalinske ture i drugi slični proizvodi); gastro i eno (opće gastronomske ture, tematske gastronomske ture, vinske ture i drugi slični proizvodi); ruralni - agroturizam (posjeti i boravak gostiju na seoskom gazdinstvu radi odmora, rekreacije, probanja izvornih domaćih jela i općenito doživljaja života na selu), vjerski turizam

Uslovi za ostvarivanje prava na finansijsku podršku: pravo na podršku imaju podnosioci prijave koji imaju sjedište/prebivalište na području HNK pod uslovom:

- da su registrovani na području Hercegovačko-neretvanskog kantona
- da imaju glavnu šifru djelatnosti kako je navedeno u alineji Prihvatljivi korisnici
- da imaju web stranicu na najmanje jednom stranom jeziku
- da imaju najmanje jednog stalno zaposlenog stručnog radnika
- da uredno izmiruju obaveze po osnovu plaćanja boravišne takse i/ili turističke članarine
- da imaju osigurana vlastita sredstva za pokrivanje najmanje 30% troškova predloženog projekta

Kriteriji vrednovanja:

- | | |
|---|---------------|
| - inovativnost u sadržaju paket-aranžmana/ture | max 50 bodova |
| - doprinos aktiviranju manje korištenih turističkih resursa | max 30 bodova |
| - procenat vlastitog finansiranja projekta | max 20 bodova |

Obavezna dokumentacija za učestvovanje na Javnom pozivu:

1. Popunjen i ovjeren Obrazac prijave (Obrazac 1)
2. Popunjen i ovjeren obrazac Izjave (Obrazac 2)
3. Potpisana i ovjerena izjava o primljenim de minimis pomoćima i drugim državnim

- pomoćima (Obrazac 3)
4. Rješenje o registraciji ili aktualni izvod iz sudskog registra i odobrenje za rad izdato od strane nadležnog organa uprave
 5. Uvjerenja o poreznoj registraciji (ID - identifikacijski broj i PDV broj ukoliko je podnosilac prijave PDV obaveznik)
 6. Uvjerenje Federalnog zavoda za statistiku o razvrstavanju prema glavnoj šifri djelatnosti po KD BiH 2010
 7. Uvjerenje/potvrda nadležne organizacijske jedinice Porezne uprave Federacije BiH da podnosilac prijave nema neizmirenih obaveza po osnovu javnih prihoda zaključno sa 30.6.2022. ili ukoliko ih ima da je sklopljen sporazum o obročnom plaćanju duga i da se uredno izmiruju dospjele obaveze
 8. Uvjerenje/potvrda nadležne organizacijske jedinice UIO BiH da podnosilac prijave nema neizmirenih obaveza po osnovu indirektnih poreza zaključno sa 30.6.2022. ili ukoliko ih ima da je sklopljen sporazum o obročnom plaćanju duga i da se uredno izmiruju dospjele obaveze.
 9. Potvrda/uvjerenje banke o vlasniku i broju transakcijskog računa podnosioca prijave, u kojoj će biti izričito navedeno da isti nije blokiran
 10. Dokaz o visini vlastitog učestvovanja u finansiranju (izjava ovjerena kod nadležnog organa uprave ili notara)
 11. Dokaz da podnosilac prijave ima najmanje jednog stalno zaposlenog stručnog radnika (uvjerenje o položenom stručnom ispitu za voditelja poslovnice)
 12. Dokaz o urednom izmirivanju obaveza po osnovi plaćanja boravišne takse i/ili turističke članarine (nalog za plaćanje ili potvrda Turističke zajednice HNK)

Dokumentacija koja se prilaže uz prijavu može biti original ili ovjerena kopija, **ne starija od tri (3) mjeseca računajući od dana objave ovog javnog poziva.**

PROGRAMSKA AKTIVNOST 2 KVALITETNA TURISTIČKA INFRASTRUKTURA I SUPRASTRUKTURA u ukupnom iznosu od 300.000,00 KM pri čemu iznos pojedinačne podrške odnosno podrške po jednom korisniku ne može prelaziti iznos od 40.000,00 KM

Prihvatljivi korisnici: javne ustanove i javna preduzeća koja se bave turizmom i drugim srodnim djelatnostima koje imaju za cilj promociju i razvoj turističkih sadržaja

Neprihvatljivi korisnici: korisnici koji su u stečaju ili nad kojima je pokrenut postupak stečaja ili likvidacije; korisnici koji imaju dospjele a neizmirene obaveze po osnovu doprinosa za penzijsko i zdravstveno osiguranje, zaključno sa 30.6.2022. a za koje nisu zaključeni sporazumi o obročnom plaćanju duga i/ili koji uredno ne izmiruju dospjele obaveze po zaključenom sporazumu; korisnici čiji su glavni računi na dan podnošenja prijave blokirani

Prihvatljivi projekti: opremanje i unapređenje prostora namijenjenog promociji ili ponudi turističkih proizvoda i usluga (mali turistički centri, prostori za tradicionalne rukotvorine, itd.); izgradnja i opremanje centara za posjetioce (interpretacijskih centara); javna turistička infrastruktura u zaštićenim područjima (npr. izgradnja i adaptacija javnih toaleta, revitalizacija i prezentacija prirodnog naslijeđa u nukleusu zaštićenog područja, izgradnja i rekonstrukcija pješačkih i biciklističkih staza, ekološka revitalizacija prostora i sl.), izgradnja atrakcija na otvorenom („nebeske“ šetnice, skycab, viseći mostovi, stakleni tobogani, staklene stepenice i sl.).

Uslovi za ostvarivanje prava na finansijsku podršku: pravo na podršku imaju podnosioci prijave koji imaju sjedište/prebivalište na području HNK pod uslovom:

- da su registrovani na području Hercegovačko-neretvanskog kantona
- da obavljaju djelatnost kako je navedeno u alineji Prihvatljivi korisnici
- da uredno izmiruju obaveze po osnovi plaćanja boravišne takse i/ili turističke članarine
- da imaju osigurana vlastita sredstva za pokrivanje najmanje 50% troškova predloženog projekta

Kriteriji vrednovanja:

- stepen turističke razvijenosti područja implementacije projekta, pri čemu veći broj bodova dobivaju turistički manje razvijena područja max 35 bodova

- | | |
|--|---------------|
| - broj novih radnih mjesta | max 25 bodova |
| - kvaliteta i inovativnost projekta | max 25 bodova |
| - procenat vlastitog finansiranja projekta | max 15 bodova |

Obavezna dokumentacija za učestvovanje na Javnom pozivu:

1. Popunjen i ovjeren Obrazac prijave (Obrazac 1)
2. Popunjen i ovjeren obrazac Izjave (Obrazac 2)
3. Potpisana i ovjerena izjava o primljenim de minimis pomoćima i drugim državnim pomoćima (Obrazac 3)
4. Rješenje o registraciji ili aktualni izvod iz sudskog registra
5. Uvjerenje o poreznoj registraciji (ID - identifikacijski broj i PDV broj ukoliko je podnosilac prijave PDV obaveznik)
6. Uvjerenje Federalnog zavoda za statistiku o razvrstavanju prema glavnoj šifri djelatnosti po KD BIH 2010
7. Uvjerenje/potvrda nadležne organizacijske jedinice Porezne uprave Federacije BiH da podnosilac prijave nema neizmirenih obaveza po osnovu javnih prihoda zaključno sa 30.6.2022. ili ukoliko ih ima da je sklopljen sporazum o obročnom plaćanju duga i da se uredno izmiruju dospelje obaveze
8. Uvjerenje/potvrda nadležne organizacijske jedinice UIO BiH da podnosilac prijave nema neizmirenih obaveza po osnovu indirektnih poreza zaključno sa 30.6.2022. ili ukoliko ih ima da je sklopljen sporazum o obročnom plaćanju duga i da se uredno izmiruju dospelje obaveze.
9. Potvrda/uvjerenje banke o vlasniku i broju transakcijskog računa podnosioca prijave, u kojoj će biti izričito navedeno da isti nije blokiran
10. Dokaz o visini vlastitog učestvovanja u finansiranju (odluka upravljačkog organa podnosioca prijave o pokretanju projekta i visini vlastitog učestvovanja u finansiranju)
11. Dokaz o urednom izmirivanju obaveza po osnovi plaćanja boravišne takse i/ili turističke članarine (nalog za plaćanje ili potvrda Turističke zajednice HNK)

Dokumentacija koja se prilaže uz prijavu može biti original ili ovjerena kopija, **ne starija od tri (3) mjeseca računajući od dana objave ovog javnog poziva.**

PROGRAMSKA AKTIVNOST 3 KVALITETNA JAVNA TURISTIČKA INFRASTRUKTURA I SUPRASTRUKTURA u ukupnom iznosu od 200.000,00 KM pri čemu iznos pojedinačne podrške odnosno podrške po jednom korisniku ne može prelaziti iznos od 30.000,00 KM

Prihvatljivi korisnici: jedinice lokalne samouprave (općine/gradovi)

Neprihvatljivi korisnici: korisnici koji nisu opravdali namjensko trošenje budžetskih sredstava iz JP za 2019., 2020. i 2021. godinu; korisnici koji imaju dospelje a neizmirene obaveze po osnovu doprinosa za penzijsko i zdravstveno osiguranje zaključno sa 30.6.2022. a za koje nisu zaključeni sporazumi o obročnom plaćanju duga i/ili koji uredno ne izmiruju dospelje obaveze po zaključenom sporazumu; korisnici čiji su glavni računi na dan podnošenja prijave blokirani

Prihvatljivi projekti: javna turistička infrastruktura i suprastruktura u smislu ovog javnog poziva, predstavlja javno dobro i koristi se u javne svrhe, a obuhvata primjerice uređenje i obnovu izletišta, rekreacijskih sadržaja, vidikovaca, pješačkih i planinarskih staza; izgradnja, opremanje i označavanje novih cikloturističkih ruta, uređenje cikloturističkih odmorišta/vidikovca na postojećim cikloturističkim rutama (smart odmorišta, nadstrešnice, stalci za bicikle, postavljanje pametnih klupa, postavljanje info tabli o odmorištu i relevantnim informacijama o lokalitetu/destinaciji i sl.), izgradnja i opremanje centara za posjetioce (interpretacijskih centara) i sl., izgradnja prirodnih kupališta uz rijeke i jezera sa pripadajućom infrastrukturom (pristup, parkirišne, sanitarni čvorovi, kabine za presvlačenje i sl.); kućice za organizaciju vjerskih i novogodišnjih praznika

Uslovi za ostvarivanje prava na finansijsku podršku: pravo na podršku imaju jedinice lokalne samouprave s područja HNK pod uslovom:

- da se radi o potpuno novom projektu (ne o nastavku projekata koji su raniji sufinansirani od strane Ministarstva)

- da postoji odluka načelnika/gradonačelnika o pokretanju realizacije projekta
- da postoje osigurana vlastita sredstva za pokrivanje najmanje 50% troškova predloženog projekta

Kriteriji vrednovanja:

- stepen turističke razvijenosti područja implementacije projekta, pri čemu veći broj bodova dobivaju turistički manje razvijena područja max 40 bodova
- kvaliteta i inovativnost projekta max 35 bodova
- procenat vlastitog finansiranja projekta max 25 bodova

Obavezna dokumentacija za učestvovanje na Javnom pozivu:

1. Popunjen i ovjeren Obrazac prijave (Obrazac 1)
2. Popunjen i ovjeren obrazac Izjave (Obrazac 2)
3. Uvjerenje o poreznoj registraciji (ID - identifikacijski broj)
4. Uvjerenje Federalnog zavoda za statistiku o razvrstavanju prema glavnoj šifri djelatnosti po KD BiH 2010
5. Uvjerenje/potvrda nadležne organizacijske jedinice Porezne uprave Federacije BiH da podnosilac prijave nema neizmirenih obaveza po osnovu javnih prihoda zaključno sa 30.6.2022. ili ukoliko ih ima da je sklopljen sporazum o obročnom plaćanju duga i da se uredno izmiruju dospjele obaveze
6. Potvrda/uvjerenje banke o vlasniku i broju depozitnog računa podnosioca prijave, u kojoj će biti izričito navedeno da isti nije blokiran
7. Dokaz o pokretanju projekta (odluka načelnika/gradonačelnika)
8. Dokaz o visini vlastitog učestvovanja u finansiranju (odluka o izdvajanju vlastitih sredstava za realizaciju projekta)

Dokumentacija koja se prilaže uz prijavu može biti original ili ovjerena kopija, **ne starija od tri (3) mjeseca računajući od dana objave ovog javnog poziva.**

IV

(Važne napomene)

U koverti može biti samo jedan projektni prijedlog, a ako u jednoj koverti ima više projekata prijava se odbacuje.

Svi dokumenti, koji se kao dokaz predaju uz obrazac zahtjeva projekta, moraju biti originali ili ovjerene kopije, **ne starije od tri (3) mjeseca računajući od dana objave ovog javnog poziva.** Dokumenti koji se šalju na Javni poziv ne vraćaju se podnosiocima, a prijavni obrasci **moraju biti popunjeni elektronski.**

Podnosilac prijave dužan je sve promjene vezane za adresu sjedišta, telefonski broj, bankovni račun, prijaviti u roku od sedam (7) dana.

V

(Zajedničke odredbe)

a) Način podnošenja prijave

Prijave za dodjelu novčanih sredstava podnose se Ministarstvu trgovine, turizma i zaštite okoliša HNK na aplikacijskom obrascu koji se može preuzeti na službenim mrežnim stranicama Ministarstva (www.mtto-hnz-k.ba) i Vlade HNK (www.vlada-hnz-k.ba)

Popunjeni prijavni obrasci zajedno s priložima koji se zahtijevaju Javnim pozivom dostavljaju se **ISKLUČIVO POŠTOM, PREPORUČENO U ZATVORENOJ KOVERTI** na adresu:

MINISTARSTVO TRGOVINE, TURIZMA I ZAŠTITE OKOLIŠA HNK

Prijava na Javni poziv

„Transfer za jačanje turističkih kapaciteta“

Programska aktivnost ___ Mjera _____

NE OTVARAJ

Braće Fejića bb, 88 000 Mostar

Prijave dostavljene drugim putem (npr. lično, putem faksa ili e-mail) neće biti uzete u razmatranje.

b) Rok za podnošenje prijava

Rok za podnošenje prijava na osnovu objavljenog Javnog poziva ističe u **ponedjeljak, 9. januara 2023. godine.**

c) Način objave rezultata

Objavom odluke o izboru korisnika sredstava te spiska podnosilaca prijava koje nisu uvrštene na listu korisnika, sa navođenjem razloga neuvrštavanja, na web stranici Vlade HNK i Ministarstva trgovine, turizma i zaštite okoliša svi podnosioci zahtjeva smatraju se obaviještenim o rezultatima Javnog poziva.

d) Prijave koje se neće razmatrati

Neće se razmatrati prijave koje su:

- Nepravovremene (dostavljene nakon isteka roka navedenog u Javnom pozivu)
- Nepravilno naslovljene (ako na koverti nije naznačen broj programske aktivnosti i mjere na koju se aplicira)
- Nepotpune (nije dostavljena sva tražena dokumentacija zbog čega zahtjev ne ispunjava formalno pravne uslove za učestvovanje)
- Neusklađene sa programskim aktivnostima i ciljevima iz Javnog poziva (ne odnose se na programske aktivnosti navedene u članu III Javnog poziva)

e) Dodatne informacije

Sva dodatna pitanja u vezi ovog javnog poziva mogu se postaviti svakim radnim danom u terminu od 11 do 13 sati na broj telefona 036 552 922.

VI

(Završne odredbe)

Sa korisnicima koji ispune uslove i kriterije za dodjelu sredstava iz Javnog poziva, Ministarstvo trgovine, turizma i zaštite okoliša zaključit će ugovor o međusobnim pravima i obavezama.

Korisnici sredstava kojima budu odobrena sredstva obavezni su Ministarstvu trgovine, turizma i zaštite okoliša dostaviti izvještaj o namjenskom utrošku dodijeljenih sredstava s originalnom dokumentacijom na osnovu koje se dokazuju namjenski utrošak sredstava.



MINISTAR

Ajdin Teletović